



SAKSPAPIR

Saksnr	Utval	Type	Dato
93/2020	Formannskap/plan- og økonomiutvalet	PS	01.12.2020
	Kommunestyret	PS	

Sakshandsamar	Arkiv	ArkivsakID
Atle Fasteland	FE-002, FE-026, TI-&10	20/526

DELTAKING I REGIONRÅD NORDHORDLAND

Vedlegg:

NUI Budsjett 2021 - utkast

2-2020 Protokoll Representantskapet NUI 13. november-signert

Selskapsavtale Region Nordhordland IKS - rev desember 2020

Rådmannen sitt framlegg til vedtak:

Kommunestyret vedtek at Vaksdal kommune går inn i samarbeid Region Nordhordland og Nordhordland Utviklingsselskap IKS.

Formannskap/plan- og økonomiutvalet - Sak 93/2020

FPØ - Behandling:

Rådmannen sitt framlegg til vedtak vart samrøystes vedteke.

FPØ - Tilråding/Vedtak:

Kommunestyret vedtek at Vaksdal kommune går inn i samarbeid Region Nordhordland og Nordhordland Utviklingsselskap IKS.

Saksopplysningar:

Rådmannen viser til vedtak i kommunestyret 27.10.20, sak 71/2020 der rådmannen fekk politisk godkjenning til å starte samtalar med mål om å etablere fast tilhøyrsløse for Vaksdal kommune i det interkommunale samarbeidet Region Nordhordland. Forlag til endeleg avtale skulle oversendast til

politisk handsaming.

Slik dette samarbeidet er organisert ligg det ikkje ein konkret avtale om deltaking, men ein selskapsavtale til grunn for samarbeidet.

Som det går fram av vedlegga vil medlemskap 2021 kosta Vaksdal kommune kroner 429.330,-

Utgiftene til Etabl.tenesta og Invest In Bergen (kr 27.839,-), reiseliv (kr 82.601,-), IKT digitalisering og innovasjon (kr 821.313,-) samt Biosfære (64.191,-) er utgifter kommunen har gjennom avtaler som allereie ligg føre.

Kostnadane er utrekna ut frå folketal, med ei justering for dei minste kommunane, og ein del fast delt likt på kommunane. Denne ordninga har samarbeidet hatt nokre år. Skilnaden i år er at 3 kommunar er vorte til ein, Alver, og ein har difor føreteke nokre justeringar i fordelinga.

Som det går fram av vedlegga er Vaksdal kommune velkomne inn i samarbeidet. Vi har allereie eit samarbeid på ein del område, jf. tidlegare sak, og rådmannen meiner vi vil kunne få ei positiv utvikling både politisk og administrativt om vi også deltar i det politiske samarbeidet.